

誠憲伯先生詩鈔

三

柳田文庫

文庫11

D 221

3

30

25

20

15

10

文庫 11
D 221
813

誠意伯詩抄卷之三

日本 紀伊 垣内保定子固氏纂

五言古下

孔子充相送至鵝湖

憶昨過武夷欲往無與儔今茲逢故人遂得鵝湖游
輕雲翼征蓋翔風當鳴騶古塔插蒼藹寺門啓平疇
陟徑旣紆鬱馮軒亦樛流雲旗裊香霧金像明清秋
昔賢論道處松柏深且幽鴻飛渺滄海龍去空靈湫
懷人已寂寞對景空淹留興闌成遠別馬首山悠悠
自衢州至蘭溪

010190556730

秋郊歛微雨霽色澄人心振策率廣路逍遙散煩襟
踈烟帶平原薄雲去高岑湛湛水凝碧離離稻垂金
薺麥霜始秀玄蟬寒更吟幽懷耿虛寂好景自相尋
心契清川流目翫嘉樹林歌傳滄浪調曲繼白雪音
仙山在咫尺早晚期登臨

從軍詩送高則誠南征

江鄉積陰氣二月春風寒壯士縵胡纓伐鼓開洪瀾
長風翼萬軸撒若橫海翰馬銜伏轅門翊衛森牙官
仗鉞指天狼怒髮衝危冠

按節肅徒旅神劔宵有聲揮揮大旗動烈烈刁斗鳴

仰看太白高俯視滄波平王師古無戰蟪謁安足烹
人言從軍惡我言從軍好用兵非聖意伐罪乃天討
運籌中堅內決勝千里道雷霆馘蛟鼉雨露澤枯槁
懷柔首悖獨延訪及黎老牧羊必除狼種穀當去草
凱歌奏大廷天子長壽考

蛟溪詩

蛟乃龍之徒隱顯異凡質屈蟠深彎環靈變不可悉
清溪淥百湍漱滌見冽漂寒颯黯離晶陰電煬幽室
超騰雲雷徯訶禁鬼神謐應龍翔中天渙汗濕箕畢
大江揚濁瀾鼉蜃恣狂譎閉藏當有待保養慎無失

搜竒凜精魄，跼步迷故術。谿巖生長風，林木暮蕭瑟。
送僕世南參政分題得虎林

深林合，蒙龍仰視不見日。中有白額虎，哮吼恣狂獮。
怒睛谷，搖電掉尾原。簸颺牛羊困，攫取樵牧萃。憂恤
相公鎮方面，化捷影響疾。百靈肅號令，萬恠悚潛逸。
昔出晝需朋，今行夜辭匹。泰山絕悲啼，牛哀返初質。
豈獨惠斯邦，四海望寧謐。

題山水小畫

谿上春始還，微波動芳燠。樹暖欲生烟，山明初過雨。
美人期不來，桂檝怨蘭柱。佇立忽懷愁，漁歌起洲渚。

題李伯時畫淵明歸來圖

江左昔潰亂，桓廬遁相尋。劉裕起寒微，長驅掃氛祲。
秋草雖未枯，霜雪已駸駸。陶公節義士，素食豈其心。
我才非管葛，誰能起淪沉。所以歌去來，歸臥五柳陰。
悠悠多感激，愴恨寄謳吟。哲人貴知幾，芳名畱至今。
展圖三歎息，懷古一何深。

題朱孟章虞學士送別圖後

秋郊一盃酒，握手念將離。落日照野水，涼風生樹枝。
今朝重相憶，青山如舊時。鬢毛非松柏，爭得不成絲。
明齊詩爲湖廣陳進士賦

言言不計金 卷三 帶香草階藏
客從于闐來遺我盈尺璧晶光射雲漢璀璨生五色
置之暗室中鬼魅皆辟易願持自照身不用持照人

會稽張氏春暉堂

喬木生山河碩實秋離離誰知茂育功乃在陽春時
丈夫佩玉玦壯氣東西馳列鼎未酬歡倚門已生悲
君看斷根草引蔓復何爲逝波不可駐感激成吾詩

張子英閑止齋

築室在 cities 而無闐闐聲非關遠人世慮滌境自清
圖書堆几案花竹當簷楹釀酒香滿甕賓至卽共傾
黜陟吾不知寵辱吾不驚百歲聊復爾孰爲身後名

耕雲詩爲堵無傲作

青山何逶迤白雲自悠悠數畝幸可耕此外更何求
整耨候時雨荷鋤適東疇凱風拂蘭蕙林薄鳴鴉鳩
我麥旣拳拳我禾亦油油食力分所安但願歲有秋
王租及時足尊酒聊相酬

朝耕原上雲暮宿雲間屋雲來動丹青雲去澄翠麓
坐着雲變化臥見雲起伏斯須不可期飄忽鳥過目
濯足臨寒泉息景蔭嘉木飯蔬勿云惡無憂勝梁肉
長歌招隱詩清風滿空谷

在永嘉作

高屋集飛雨蕭條生早寒我來復幾時明月缺已團
 浮雲蔽青天山川杳漫漫狐狸嘯悲風鯨鯢噴重瀾
 孤雁號南飛音聲悽以酸顧瞻望桑梓慷慨起長歎
 願欲凌風翔惜哉無羽翰中夜百感生展轉不遑安
 枯荷響西池槁葉鳴林端寥寥天宇空冉冉時節闌
 舉俗愛文身誰識章甫冠河流未到海平陸皆驚湍
 旗幟滿山澤嗚呼行路難

癸巳正月在杭州作

鍛鐵當用椎析薪當用斧拔蓼而植荼去辛還得苦
 峨峨九陽門衛以豹與虎微微螻蟻忱鬱鬱不得吐

立夏日有感

且乾隆本作夕非

朝且天宇清逍遙步庭除溫風自遠至綠樹嘉有餘
 登高展遐眺萬象各以舒念此客行久感彼時節徂
 退食耻尸素進思愧庸鴛仰視日月高俯察川原紆
 願欲凌風翔周流觀六虛天路脩且阻惜無奇肱車
 倚松翫懸蘿藉茅想連茹公叔實尚賢甯武不能愚
 何當脫塵鞅歸臥園田居

贈周宗道六十四韻

天弓撥其弦平地躍虎狼腥風扇九澤濁霧干太陽
 瑣瑣蚊與蟲亦沸如蜩蟬帝閭隔蓬萊弱水不可航

疆隆慶本作福
非今從乾隆本

蝮蟻有微忱，抑塞無由揚。遙遙草茅臣，怒切忠憤腸。
披衣歎軍門，披腹陳否臧。曰：走居海隅，詩書傳世芳。
感荷帝王恩，祿食厠朝行。走身非己軀，安得緘其吭。
走有目擊事，敢布之廟堂。永嘉浙名郡，有州曰平陽。
面海負山林，寔維甌閩疆。閩寇不到，甌倚茲為保障。
官司職防虞，當念懷善良。用民作手足，愛撫勿害傷。
所以獲衆心，卽此是仞墻。奈何縱毒淫，反肆其貪攘。
破廩取菽粟，夷垣劫牛羊。朝出繫空橐，暮歸荷豐囊。
丁男跳上山，妻女不得將。稍或違所求，便以賊見戕。
負屈無處訴，哀號動穹蒼。斬木為戈矛，染紅作巾裳。

走聞原作足聞
恐非今從列朝
詩集

鳴鑼撼巖谷，聚衆守村鄉。官司大驚怕，棄鼓撇旗鎗。
竄伏草莽間，股慄面玄黃。窺伺不見人，湍江走倂倂。
可中得火伴，約束歸營場。順途劫寡弱，又各夸身彊。
將吏悉有獻，歡喜賜酒觴。殺賊不計數，縱橫書薦章。
民情大不甘，怨氣結腎腸。遂令父子恩，化作蠶與蝗。
恨不斬官頭，剔骨取肉嘗。纍纍野田中，拜泣禱天皇。
願得賢宰相，飛牋奏巖廊。先封尚方劍，按法誅姦賊。
擇用忠蓋臣，俾之提紀綱。寧弧落鴟梟，薙棘出鳳凰。
尚可存子遺，耕稼納官倉。失今不早計，如水決隄防。
而後事埋絜，勞費何可當。走聞疽初生，灼艾最為良。

成意白詩少
卷三
詩六十五
月成

列朝詩集惠作
息恐非

焮成施剗割所憂動膏肓邊戎大重寄得人則金湯
 龍共遂到渤海盜賊還農桑張綱入廣陵健兒跪如羊
 苟能任仁智勿使儉邪妨孟門雖險艱可使成康莊
 走非慕爵賞自鬻求薦揚痛惜休明時消患無其方
 又不忍鄉里鞠為狐兔場陳詞未及終涕泣下滂滂
 旁觀髮上指側聽心中傷天路阻且脩不得羽翼翔
 可憐涸轍魚待汲西江長况有蛟與蛇磨牙塞川梁
 旄丘靡與同載馳徒慨慷嚴冬積玄陰天色慘以涼
 衆鳥各自飛孤鸞獨彷徨冥冥麗山雲木葉殷清霜
 子去慎所適我亦行歸藏

列朝詩集麗作
雁適作過

遣懷

鴻鵠會高風拂翼凌雲霓蛟龍不得水葦鱗困塗泥
 惟昔望諸君一戰舉彊齊秦穆伯西戎能用百里奚
 傅說築商巖太公釣磻溪韓信寄食飲孔明躬耕犁
 立賢苟無方曷問鶩與鷺驅車上太行峻極不可躋
 重雲蔽層岑流潦絕荒蹊豺狼當我嘍魑魅向我啼
 顧瞻望九州欲去惑東西嘉穀委蔓草良田養蒿蕪
 乘黃避跛鼈狐貉驕虎豹誰言縱壑魚竟為觸藩羝
 長夜起嘯嘆邪氣憑我臍夢登舜蒼梧遙望禹會稽
 援琴奏將歸日暮增慘悽育颯正瀚勃孤鳳將安棲

三月八日偕徐成中楊澄源李子庚吳溥泉董朝宗黃中立程邦民湯仲謀王文明遊南鎮得禽字

積雨霽芳甸，凱風來遠林。逍遙出郊郭，徙倚散煩襟。
桂棹蕩清漣，長裾曳輕陰。肆覽夏王陵，流觀秦帝岑。
黃熊安所之，荒楚自蕭森。仰翫卉木榮，俯聆泉石音。
洋洋潭底魚，啾啾枝上禽。昭融見天德，混養怡人心。
況有文彥友，溫恭比瑶琳。獻酬禮不愆，詠歌思彌深。
良辰豈易得，嘉會難屢尋。願作膠與漆，無爲商與參。
殷勤屬此章，冀以代兼金。

送馬生遊京師

東山夜雨急，鑑湖春水深。之子遠于邁，祖帳清江潯。
白日映蘭皋，青烟起松岑。豔舞激回風，長歌裊哀音。
何以慰離懷，八珍盈金齏。何以將素情，贈言比瑶琳。
京畿佳麗地，多士紛如林。構厦俟檀栾，去疾須苓參。
殷勤治安策，悃款大寶箴。箴敷陳草茅情，啓迪帝王心。
斯人邈永矣，繼之在于今。勿羨蘓李子，自侈多黃金。
別峯和尚方丈題唐子華山陰圖

連山走陂陀，太谷入晻曖。屋藏深樹中，路出巨石背。
烟雨時有無，澗谷互顯晦。輕盈曳飛綃，縹緲沃浮黛。

雄梁矯脩鼉，駢壁駸文璫。崢嶸紫霞高，屈曲白水匯。
陰森神鬼宅，奮迅龍馬隊。風雲氣象寬，日月光烟碎。
借問此何鄉，或有捐余佩。荅云越山陰，信美無與對。
自從永和來，燕遊推勝槩。佳人去不還，盛集嗟未再。
唐令實好奇，掇拾歸畫繪。上人遠公徒，我亦淵明輩。
會晤屬時艱，觀覽增感慨。故園沒灌莽，舉足蛇豕礙。
放歌自太息，激烈驚厚載。

送孔世川赴江西儒學提舉

我辭西江歸，倏忽十二秋。每望西江雲，思心悵悠悠。
恨無排風翼，安能凌虛游。故人渺天末，可夢不可求。
邂逅送子行，感我涕泗流。登山有脩蛇，涉水有長虬。
逝者如零雨，一落誰能收。

題西旅獻獒圖

鳴鳳啓至德，鎬京作王家。萬國戴元后，懷柔無邇遐。
逸矣裔夷人，占風慕中華。毳服耳金鑊，拳毛眼窈窪。
獻獒越重譯，辛苦涉流沙。歸仁自彼心，務廣匪予夸。
謩謩大廷臣，忠告猶咨嗟。卜年盈八百，分得未為奢。
云胡叔世主，贖武生。誼嗒拘醬毒，南徼河源訛。西槎
哀哀萬夫命，驅以易驪騮。暴蔑文祖訓，大貽天下瑕。
畫圖漫寫形，索意良無涯。太康焚雉頭，宮闈萬妖茅。

開元仄組繡驪岫荒淫哇夫豈不有初蕩心生百邪
 望美洛陽都赤符炳流霞玉關閉高門軍賓絕相加
 鳩杖老貌貅虎落藹桑麻煌煌中興業奕奕流芳葩
 謙光信受益知足復何差感事重懷古因書戒矜誇

遣興

積雨兼數旬天氣涼有餘青苔交戶庭始覺人跡疎
 地主多閑園可以種我蔬兒童四五人蔓草相與鋤
 既倦則歸休臥閱床上書無事且為樂何者為名譽
 夏日苦太長夜景良可愛華月吐曾岑遙天碧如黛
 披衣更登樓稽山正相對澄湖晶空明浮雲去無礙

右曾層同

遺榮世何人賀老今不在涼風吹毛髮坐久增感慨
 溽暑百體倦曉涼正堪眠飛蚊何營營繞鬢鳴相煎
 拍之不勝多揮去還復前世亂有骨肉逃生幸完全
 細微何足較此意誰當傳

綠樹何陰陰良苗亦離離開窓招遠風赤鯉踊清池
 雲日釀晴光芰荷有餘姿冥坐偶自得悠然遂忘飢
 富貴不可求守分勿復疑
 迂踈乏世用矯情非所安投簪替謝時輩聊得心中寬
 回首望故鄉枳棘日以繁譬彼水上萍隨流且盤桓
 樓頭好山色晴雨皆可觀

次韻和脫因宗道感興

松栢守孤直，不爭桃李色。明星在青天，有時化爲石。
春風車馬塵，竟日翳紫陌。寧知禾黍地，舊是王侯宅。
蓬萊有仙藥，求之不可得。霜風吹林木，歲暮徒愴惻。
鉛刀方用世，掛壁干將闕。剪松養荆棘，匠石空悲酸。
驅車涉太行，日暮多險艱。玄水膠大谷，脫粟貴琅玕。
魑魅攬人魂，豺狼食人肝。路遠無羽翼，何由得飛還。

琴清堂詩

亭亭嶧陽桐，斲爲綠綺琴。緝之朱絲絃，彈我白雪音。
虛堂夜迢迢，華月耿踈林。鳳凰天上來，虬龍水中吟。

曲罷起太息，無人知此心。

題山水圖

江上何所有，高低千萬峰。結廬覆以茅，取足聊自容。
綠樹旣蒼鬱，清溪亦溶溶。地僻無車馬，猿鳥得相從。
日落沙際明，寒烟澹踈松。蒼茫雲霞外，隱見青芙蓉。
悠然一舸還，好景時獨逢。歸來山月出，古刹鳴昏鐘。

六月十八日自天章入城作

天淨山氣涼，溪渾夜來雨。藍輿度踈翠，初日照平楚。
高林半長烟，好鳥時自語。煩襟得蕭散，似欲忘羈旅。
何當盜賊息，比屋豐禾黍。逍遙丘壑間，鹿麋以爲伍。

題陸放翁晚興詩後

雄劍閔寶匣中夜蛟龍吼男兒抱志氣寧肯甘衰朽
 松栢在深谷枝葉拂星斗雖無般匠顧勢自凌培塿
 昂昂高山翁矯矯渭濱叟林泉不遐遺軒冕亦固有
 奈何劉伶輩賤身若芻狗徒生天地間辜負髮與手
 三復詠斯章千載吾尚友

有客來歎我

有客來歎我自謂儒者儔問我胡不出乃來此淹留
 我咲而不荅彼問方未休彼我異所志問荅寧相投
 青山屋外高溝水山下流隱几書一卷寒簷雀啾啾

感時述事十首

天王有萬國撫治不能徧百僚分所司控制倚方面
 旬宜貴浹洽付託屬隆眷易置苟無恒勤怠朝夕變
 自非敦氏儔何官匪郵傳矧茲世多故軍府希間宴
 戎機一以失蟻穴債臺殿公庭委舊事書牘呈新選
 來者且遲遲在者同秋燕偷安待日至退託從私便
 姦貪遂乘隙民病孰與唁大臣國柱石憂喜相連纏
 反躬既遺闕何以率州縣寄與要津人有舌未宜噤
 十羊煩九牧自古貽咲嗤任賢苟不貳焉用多人為
 師行仰供給州縣方告疲差徭逮所歷添官有權宜

隆慶本敦字闕
 今以列朝集乾
 隆本補之

股列朝詩集乾
隆本並作股
列朝集明詩綜
並分世皇云云
以下十二句別
爲一首然題下
已言十首則其
誤瞭然矣

奈何乘此勢爭先植其私百司並効尤貨賄縱橫飛
列坐溢公堂號令紛披離名稱到輿隸混襍無尊卑
正官反差出道路不停馳徇祿積日月官吏之所希
此輩欲何求股剝圖身肥世皇一宇宙四海均惠慈
盜賊乘間發咎實由官司云胡未悔禍救焚用膏脂
姻婭遂連茹公介棄草茨農郊日增壘良民死無期
天關深虎豹欲語當因誰

先王制民產曷分兵與農三時事耕稼閱武在嚴冬
亂畧齊憤疾戰伐厥有庸那令異編籍自使殊心胸
坐食不知恩怙勢令威克將官用世襲生長值時雍

豈惟昧韜畧且不習擊剗悍卒等驕子有令亦無從
跳踉恣豪橫鼓氣陵愚蠢所以喪紀律安能當賊鋒
崩騰去部曲蟻合尋歸蹤時方務姑息枉法稱寬容
寧知養豺虎反噬中自鍾國家立制度恃此爲垣墉
積弊有根源終成腸肺癰何由復古道一視均堯封
豢狗不噬禦星馳募民兵民兵盡烏合何以壯干城
百姓雖云庶教養素無行譬彼原上草自死還自生
安知狗大義捐命爲父兄利財來應召早懷逃竄情
出門卽剽掠所過沸如羹總戎無節制顛倒迷章程
威權付便嬖賞罰昧公平饑寒莫與恤銳挫怨乃萌

見賊不須多，奔潰土瓦傾。旌旗委曲野，鳥雀噪空營。
將軍與左右，相顧目但瞠。此事已習慣，智巧莫能爭。
廟堂忽遠筭，胸次猜疑并。豈乏計策士，用之非至誠。
德威兩不立，何以御群氓。慷慨思古人，惻愴淚沾纓。
古人有戰伐，誅暴以安民。今人尚殺戮，無問豹與麟。
濫官舞國法，致亂有其因。何爲昧自反，一體含怒瞋。
斬艾若草芥，虜掠無涯津。况乃多橫斂，殃禍動輒臻。
人情各畏死，誰能坐捐身。所以生念慮，嘯聚依荆榛。
暴寡憚強梁，官政惟因循。將帥各有心，邈若越與秦。
遷延相顧望，退託文移頻。坐食挫戎機，養虺交蛇鱗。

豹列朝集作豺

況明詩綜作未

遂令耕桑子，盡化爲頑嚚。大權付非類，重以貽笑髡。
鼠璞方取貴，和璧非所珍。但恐昏及溺，是用懷悲辛。
五谿舊三苗，蛇蚓相襍處。其人近禽獸，巢穴依險阻。
起居任情欲，鬪狠競爪距。况能識君臣，且不顧子父。
所以稱爲凶，分北勞舜禹。先朝慎羈縻，罔俾來中土。
胡爲倏而至，馳驟如風雨。見賊但趨趨，逢民輒俘虜。
腰纏皆金銀，衣被俱繡組。所過惡少年，改服投其伍。
農家劫掠盡，何人種禾黍。盜賊有根源，厥咎由官府。
任將匪能賢，敗衄乃自取。奇材何代無，推誠卽心膂。
誰哉倡此計，延寇入堂宇。割鼻救眼睛，於身竟奚補。

浙西耕桑地百載安生聚自從甲兵興徵斂空軸杼
疲氓真可憐忍令飼豺虎追憶至元年憂來傷肺腑
虞刑論小故夏誓殄渠魁好生雖大德縱惡非聖裁
官吏逞貪婪樹怨結禍胎法當究其源剪鋤去根荄
蒙龍曲全宥駕患於後來濫觴不湮塞滔天谷陵頽
總戎用高官沐猴戴母頭玉帳飲酒肉士卒食菜羹
未戰已離心望風遂崩摧招安乃倡議和者聲如雷
天高豹關遠日月照不該俱曰賊有神討之則蒙災
大臣恐及已相視若銜枚阿諛就姑息華紱被死灰
姦宄爭效尤無風自揚埃嘯聚逞強力謂是爵祿媒

恐列朝集作怨
非

黎民亦何辜骨肉散草萊傾家事守禦反以結嫌疑
慟哭浮雲黑悲風爲徘徊赤子母不憐不如絕其胚
養梟逐鳳凰此事天所哀胡爲尚靡定顛倒腥與頰
春秋戒肆眚念此良悠哉

八政首食貨錢幣通有無國朝幣用楮流行比金珠
至今垂百年轉布彌寰區此物豈足貴實由威令敷
廟堂喜新政躁議違老夫悠悠祖宗訓變之在朝晡
瞿然駭群目疑恠仍挪揄至寶惟艱得韞櫝斯藏諸
假令多若土賤棄復誰沽錢幣相比較好醜天然殊
譬彼絺與綌長短價相如互市從所取孰肯要其絢

此理實易解無用論智愚矧茲四海內五載橫戈及
赤子投枳棘不知所歸途一口當萬喙唇縮舌亦瘖
導水必尋源源達流乃疏藝木必培根根固葉不枯
慎勿庸通言揚火自焚軀尚克詰戎兵丕顯厥祖謨
惟民食爲命王政之所先海陸實天物厥利何可專
貪臣務聚財張羅密於羶厲禁及魚鰕鹵水不得煎
出門卽陷阱舉足遭纏牽息休用鞭笞冤痛聲相連
高牙開怒府積貨重姦權分攤筭戶口滲漉盡微涓
官征勢旣迫私販理則然遂令無賴兒睚眦操戈鋌
出沒山谷裡陸梁江海邊橫行荷纂籠方駕列船舷

強隆慶本作疆
恐非今從乾隆
本

討恐計之訛

拒捕斥後懦爭疆夸直前盜賊由此起狼藉成蔓延
先王務廣德如川出深淵外本而內末民俗隨之遷
自從甲兵興奄忽五六年借籌討得喪耗費倍萬千
回憶至元初禁網踈且平家家有衣食喪刑思保全
後來法轉細百體皆拘攣厚利入私家官府任其愆
大哉乃祖訓典章尚流傳有舉斯可復庶用康迪邇
秦皇縣九宇三代法乃變漢祖都咸陽一統制荒甸
豪雄旣鎡削瘡痍獲休宴文皇繼鴻業垂拱未央殿
累歲減田租頻年賜緜絹太倉積陳紅園府朽貫線
是時江南粟未盡輸赤縣方今貢賦區兩際日月竈

胡爲倚東吳轉餉給豐饍徑危冒不測勢與蛟龍戰
遂令鯨與鯢掉尾乘利便扼肱要國寵金紫被下賤
忠良怒切齒姦宄競攀援包羞屈政典尾大不可轉
聖人別九州田賦揚爲殿中原一何臚所務非所先
豳風重稼穡王業丘山莫夫征厲未習孰敢事游燕
哀哉罔稽古生齒徒蕃羨一耕而十食何以奉征繕
長歌寄愁思涕淚如流霰

雨中襍詩

多雨損萬物草爛麥生耳青苔獨得時延曼及堂庀
晨興視天宇滴瀝殊未已君子懼陸沈小人憂餓死

淒涼大將營鼓纒弧弓弛朝廷竟知否盜賊如流水

以野狸餉石未公因侑以詩

野狸性狡猾夜動晝則潛繫之籠檻中耳弭口不吽
當其得意時足爪長且鈿跳踉逞俊捷攫噬靡有饜
貧家養一雞冀用易米鹽爾黠弗自食尋聲竊窺覘
破柵舔肉血淋漓汗毛髯老幼起頓足心如刺刀鎌
東鄰借筌蹄西鄰呼獾獫繫餌翳叢灌設伏抽陰鈐
彼機歛已發此欲方未斂絲繩急纏繞四體如繭黏
野人大喜慰不敢私烹燂持來請科斷數罪施剗剗
使君鎮方面殘賊職所殲械送致麾下束縛仍加箝

腥膏忝汚鉞，羶背或可醢。毛芳和糟醬，頌賜警不廉。
黃雀利螳螂，碎首泥塗露。烏鴉殉腐肉，噴墨身受淹。
此物亦足戒，申章匪虛誦。

和石末公得令字

勾芒發陳根，北斗轉東柄。衆星各參差，威弧何時正。
好生雖聖心，明刑亦王政。哲人慎謀始，斯焉獲終慶。
徒言兩階舞，可以懷逆命。不見三危山，萬里竄梟獍。
世德異唐虞，民情好爭競。那無跼扁醫，而有膏肓病。
波濤地軸軌，虎豹天關覓。雨露當春滋，風霜及秋勁。
誰能奉明王，順天行號令。

全集並欠和石末公四字今以明詩綜補之

而列朝詩集作面

明本王作主

正月廿三日得台州黃元微書有感

結交無疏戚，艱難見平生。金石苟不渝，萬里如兩楹。
重山非云遠，邈若遼與荆。嬾婉豈不懷，蛇虺正驕獍。
手持故人書，心念故人情。開書問故人，淚下如雨傾。
客從何鄉來，遺我尺素書。道路險且艱，故人情有餘。
妖氣晦斗極，黃濁混龍魚。何荃不為蕪，何麟不為貍。
殷勤故人心，炯若明月珠。投之千丈泥，萬古光不渝。
安得致閭闔，以照君王車。

紫虛周道士還俗多年而貧老如故元帥石末公憐其無依復令歸觀就養

白鶴棲青松願與人世違松高風露寒却向人間飛
江湖無稻梁歲莫將疇依稽首浮丘公涕淚灑毛衣
浮丘憐老鶴解悟既往非浴以丹池泉照以若木暉
脩然骨髓清還向青松歸松葉烟茸茸松華霧菲菲
可棲復可食其樂天下稀如何從雁鶩喋呷圖身肥
黃慎之自閩見訪夜坐對酌悵然有感
故人髮猶黑故人心尚赤人生一世間幾見駒過隙
南山有喬松翠鷓鬪顏色般倅不收錄野火恣焚炙
枝枯榦亦折雪霰交洒浙中心有流液入地化為石
遺之五百年猶堪補青天

旅興

老不與懶期身老懶自至懶不與傲期力憊難強事
茫茫視天宇忽忽心如醉勞生諒何庸顧為形所累
弱水隔蓬萊安得生兩翅
秋風肅萬物百蟲競號鳴蟋蟀最可憐切切悲其生
屣履步庭除素月圓且明翫之不可掇渺焉忽西傾
回首掩房闥愴怳煩慮盈太息以終宵展轉難為情
人生百歲間苦樂相牽攀念生復念死何時一開顏
登高望八荒目矐飛鳥還有願不克遂淚下空潺湲
秋氣雖可悲秋色亦可悅寥寥天宇曠皎皎縣象晰

列朝詩集人生
上有死別不可
追生別那可思
悼往恨節促待
來志時遲四句
者非北公作此
題五十首教齋
節取十首謬斷
前章末而置此
篇耳

誠意作詩錄 卷三 十一

雁來山葉紅龍臥江潭潔彼美黃金花含英耀窮節
佳人不可期明月圓復缺空庭夕陰盡露草白如雪
佇立望四方彌使憂念結

窮巷屏人跡開門見青山青山似故鄉客子何當還
蟪蛄日夜鳴綠樹亦已殷白日駛西征浮雲不可攀
安得生羽翼奮飛出玄間

雨來群山暗雨過群山明山明猿鳥喜山暗猿鳥驚
歲暮陰風起白日西南傾寒蟬枝上號阜蟲草間鳴
人生非草木能無感中情

卓全集並作夏
今從列朝詩集
明詩綜

赤霞變玄雲風起烟霧塞颼颼木葉響曠曠原野黑

青泥沒委巷關塞生咫尺水深蛟龍恣山濕鳥獸寂
留滯荷戈人艱難去鄉客翹首望太陽憂思萃朝夕
西岑掛朝濟東嶺垂日脚唳唳埵鶴鳴矯矯淵輪躍
淒風拂喬樹密雨翳林薄煌煌籬下花粲粲黃金萼
含英不自銜守分甘寂寞願持獻美人恐貽觀者愕
久雨得晚霽豁然如醉醒幽花銜餘紅遠峯出孤青
獨坐無與娛蜻蛚吟空庭良辰能幾何逝者忽如傾
歎歌欲自慰歌竟還傷情

微風振蒼鐸瑤如環珮響登高看秋色俯見明月上
木落天地寬雲散川原廣來者不可期逝者日已往

成意白詩少 卷三 十一 詩存世間歲

離居豈無懷惻愴縈遠想

少別無慘容老別有苦心筋力已非故憂思諒難任
春風吹郊原雜英滿園林物生無巨細各以類相尋
含情曷能忘矧乃衆病侵勿言愁可量滄溟未爲深
倦鳥冀安巢風林無靜柯路長羽翼短日暮當如何
登高望四方但見山與河寧知天上雨去爲滄海波
慷慨對長風坐感玄髮皤弱水不可航曾城岌嵯峨
淒涼華表鶴太息成悲歌

上古人一心生榮死同哀末世自爲心骨肉多嫌猜
沉沉十日雨漫漫百畝苔苔深車輪沒平路生蒿萊
嗚呼張仲蔚衡門何由開

踈庸厭人事疲病畏交游得閑願已愜敢有分外求
開門對鍾山山翠盈我眸日中市聲遠草綠空庭幽
登臨觀萬象玄理足可搜誰能走逐逐自使生悔尤
青青瀟湘竹猗猗被寒水遊子如飛蓬佳人曠千里
登高左右望但見黃塵起鳳凰翔不下梧桐化爲枳
傷懷不可道憂念何時已

吾觀穹壤間萬變皆有窮何如順天道原始以知終
清晨攬衣起締綌生秋風雖雖鳴雁來灼灼酸棗紅
悵焉念所思悲感集予衷佳期在何許瑤草成枯蓬

佇立望日月，勞心極慄慄。
 寒燈耿幽幕，蟲鳴清夜闌。
 起行望清天，明月在雲端。
 美人隔千里，山河杳漫漫。
 玄雲翳崇岡，白露凋芳蘭。
 願以綵綺琴，寫作行路難。
 憂來無和聲，絃絕空長歎。
 秋山青如烟，秋月白如水。
 登高俯空曠，咫尺見千里。
 悠悠孤雲行，嫋嫋涼風起。
 涼風吹客衣，客心隨風飛。
 願作滄海潮，朝來莫還歸。
 泊舟嚴子瀨，遙望仙華山。
 中有騎羊人，皓齒頰玉顏。
 餐霞飲沆瀣，坐石濯潺湲。
 長嘯起天風，落日爲之還。
 悠悠隔雲雨，杳杳不可攀。

山鬼處幽壑，自分不見天。
 寧知無私照，及此暗井泉。
 倦鳥思故林，窮魚思故淵。
 感荷實難忘，庶其保終年。
 遠遊篇

三山六鼇背，翠水扶桑東。
 鷄鳴上海日，海面玻璃紅。
 仙人騎鸞鳳，呼我游雲中。
 雲中有金闕，謂是天帝宮。
 明星列兩藩，琪樹光玲瓏。
 太一坐端門，白髮映青瞳。
 授我玉篆文，赤蛇蟠九虹。
 出入元化先，壽命齊老童。
 因逢青鳥使，遂造東王公。
 素女如蓮華，歌喉絃管同。
 顧盼動環佩，振迅若輕鴻。
 化爲五色光，倏然隨長風。

禱詩

白露出草根，顆顆如明珠。黃華炫金錢，亦復盈階除。
閑居無尤物，翫之聊可娛。衡門不必扃，此非衆所須。
但恐成薏苡，千載令人吁。

李世罕上壽百歲爲長年，軒皇不可見，顏冉復誰憐。
安期乘彩虹，羨門駕紫烟。朝游蓬萊嶋，夕宿曾城巔。
常恐聲風枝，摧折滄海田。徒令驪山客，想望稱神仙。
蒼蒼山上松，濯濯庭前柳。亭亭拂雲起，矯矯含風久。
佳人皎如玉，曠世難爲偶。長歌繼以歎，去鳥盡回首。
昔爲瑤草華，今爲蠹餘朽。棄置勿復道，華容不如醜。

旅夜

月光天上來，入戶清如水。游子忽思家，披衣中夜起。
徙倚步回廊，烏啼夜未央。欲飛無羽翼，零淚濕衣裳。
昨夜起觀星，月在楊枝上。今宵不見月，星影空搖漾。
羽蟲飛拂戶，燈吐孤火壯。佇立掩衡門，愁來獨惆悵。
客愁常突兀，今夜燈花生。雖知無喜報，愁亦暫時平。
解襟成獨寢，留燈待天明。喜固不可求，客心恒畏愁。
六街馬憧憧，鐘響聲暫歇。兩星光灼爍，中有如眉月。
既見月如眉，還看月如鏡。月光自有恆，人心長不定。

送張孟兼之山西按察司僉事任

平明集冠蓋，祖帳清江濱。天縣赫曦日，山湧崔嵬雲。

大舶發中流，碧水龍鱗紋。宿雨霽初伏，川原無垢氛。
脩楊蒨深綠，禾黍氣如饋。蘆荻響微風，鶴鶴鳴相聞。
市酒雖云薄，情至心自醺。贈詩雖不多，芳意同蘭薰。
丈夫樹遠業，兒女徒紛紛。農夫務去草，梯稨職所耘。
蒼鷹司鷙擊，梟鸞慎其分。利劍斷犀兕，不數雀與鼠。
籌邊有廟筭，樽俎茂奇勲。巍巍太行山，蒼翠浮網緼。
萬古戒華戎，峻極通天文。老羆當道臥，氣讐狼虎群。
引領望征旆，迢迢隔河汾。營平曜前列，定遠揚後芬。
制勝在兩楹，豈必疲三軍。功成早歸來，華袞昭玄纁。

新春

昨夜東風來，吹我庭前柳。柳芽黃未全，草根青已有。
鶉鳩屋上鳴，勸我嘗春酒。我髮日已白，我顏日已醜。
開樽聊怡情，誰能計身後。

怨詩

屈原沉汨羅，不忍棄其宗。萇弘志存周，寧爲一己容。
申生顧父愛，殺身以爲恭。子車守明信，殉死安所從。
之人豈不賢，揆道猶過中。卞和獨奚爲，抱玉售瞽聾。
則足實自取，怨泣情何鍾。文狸處幽林，無人識其蹤。
誰令貪雞鶩，以觸弋與罾。縻身獻厥皮，爲人作妍容。
娟娟芳蘭花，託根千仞峰。下有孤飛泉，上有灌木叢。

詩集卷之三
歲晏不改色，霜清香更濃。
韜光遠人禍，委命安天窮。
道得復何怨，老子其猶龍。

秋懷

空堦走穴蟻，荒垤唳巢鸛。
陰氛方騰達，密雨已彌漫。
沉沉翳光景，昧昧感昏旦。
林鴉濕休飛，蒼雀饑相喚。
跬步隔關河，四望空慨歎。
淒淒衣裳單，戚戚歲年晏。
微生如石火，徒勞暫時煥。
永寤爛柯人，萬事一夢幻。
飽食無一事，一日復一夕。
倚門望圓穹，白雲在空碧。
來鴻與去燕，歲晚各有適。
英英黃金花，粲粲好顏色。
采擷貴及時，霜露已盈積。
掩門還獨坐，浩然懷往昔。

惟有故鄉夢，可以慰岑寂。

雨息殘暑退，涼氣何淒淒。
而羈人倦，遙夜明月光在帷。
展轉不成寐，披衣步前墀。
春芳不再穠，夕露空華滋。
泯默對青燈，悵焉心自思。

薄雲散高風，天色青如漆。
盈庭露輝輝，當窓星燄燄。
寒來愛蘭釭，暑往却筠簟。
憂思浩無際，起坐數更點。
晦明相代謝，避盈乃無歉。
未嘗陟孟門，誰識行路險。
賈害豈無因，戒之在懷琰。
冥豫何可長，用之以自檢。

七言古

徐資深華山圖

明詩綜圖字下有歌字

華嶽插天七千丈丹崖翠壁開仙掌壁間擘出黃河
流大禹以之分九州河流袞袞赴溟漲華岳拔出天
河上雲宮霧窟疑本無石室金臺儼相向玉泉高通
玉井津中有蓮實如車輪世人肉食未羽化可望不
得聊相親高堂晚晴圖畫展眼明一見心目遠世間
塵土今紛紛吾當拂衣臥山雲

永康胡元鼎白雲樓

少年辭家往京國蓬根一斷無消息有時長想白雲
飛江海茫茫淚沾臆歸來拜母悲且喜悔作他鄉遠
遊子却起高樓對白雲綵服翩翩足甘旨昔時望雲
煎百慮今日看雲美無度却憶天涯望雲日平生心
事從此畢

中峰永先和尚醉墨圖

老先行脚遍天下五湖七澤宵中吞淋漓醉墨落人
世恍惚目擊瀟湘存蒼梧飛龍去不還洞庭赤沙流
水渾九疑竹枝餘淚痕澧蘭沅芷化蕭艾古木雨炫
寒烟昏雲帆縹緲向何處波浪瀕洞驕魚鼈我生胡
爲羈旅間感時觀物生愁怨還君此畫歌一曲悲風
慘淡來崑崙

夜聽張道士彈琴

白澗含光月照席，梅花入簷珠的皪。葢宮道士彈七
弦，明星在樹霜滿天。鏘如暗泉發幽竇，悄若空山叫
哀狖。霧雨寒吹松柏響，波濤怒激蛟龍鬪。神奔鬼恠
入杳冥，鸞孤鶴寡風泠泠。湘娥宵攀竹枝泣，紫鳳曉
啄梧桐鳴。悽悽欲斷還復續，啼鴛一聲春草綠。若然
清商行素秋，落葉灑地蟲啾啾。擁衾聽之消百慮，夢
逐行雲自來去。九疑連天洞庭遠，海闊煙深不知處。
葢宮道士聽我語，世無子期誰識女。桑間濮上方施
行，白雪陽春棄如土。

辛卯仲冬雨中作

歲云暮矣風蕭蕭，木葉脫落惟空條。雲濃雨細白日
短，慄慄不辨昏與朝。雨中行人足斛觥，去與公家製
戎服。中原豺虎正橫戈，天寒風急奈爾何。

悲枕城

觀音渡頭天狗落，北關門外塵沙惡。健兒披髮走如
風，女哭男啼撼城郭。憶昔江南十五州，錢塘富庶稱
第一。高門畫戟擁雄藩，豔舞清歌樂終日。割臙進酒
皆俊郎，呵叱閑人氣驕逸。一朝奔迸各西東，玉笋金
杯散蓬華。清都太微天聽高，帟略龍韜絨石室。長夜
風吹血腥入，吳山浙河慄蕭瑟。城上陣雲凝不飛，獨

客無聲淚交溢

夏夜台州城中作

明詩綜曹作夢

拆作班

江上火雲蒸熱風欲雨不雨天曹曹良田半作龜兆
 折秔稻日夕成蒿蓬去年海賊殺元帥黎民星散劫
 火紅耕牛剥皮作戰具鋤犂化盡刀劍鋒農夫有田
 不得種白日慘淡衡茅空將軍虎毛深玉帳野哭不
 入轅門中健兒鬪死烏自食何人幕下矜奇功今年
 大軍蕩淮甸分命上宰麾元戎舞干再見有苗格山
 川鬼神當效忠胡為旱魃還肆虐坐令毒疹傷和冲
 傳聞逆黨尚攻剽所過丘壠皆成童閭司恐畏破和

桐明詩綜作洞

別裁涼作長出
光玲瓏作魄升
天東

議斥埃悉罷雲邊烽殺降共說有大禁無人更敢彎
 弧弓山中悲啼海中咲蜃氣繞日生長虹古時東海
 辟孝婦草木枯瘁連三冬六月降霜良有以天公未
 必長瘖聾只今幅員廣無外東至日出西太蒙一民
 一物吾肺腑仁者自是哀鰥悃養梟殪鳳天所厭誰
 能抗疏回宸衷夜凉水末掛河漢海嶠月出光玲瓏
 仰視皇天轉北斗嗚呼愁歎何時終

題松下道士攜琴圖

道士抱琴松下行松風入耳清凉生石梁苔滑不可
 上潭水泠泠學琴響琴有意兮水無心水中有龍能

言一
聽琴聲淒斷水流咽月滿空山落松雪

錢王箭頭篇

鴟夷遺魂拗餘怒欲取吳山入江去雷霆劈地水群
飛海門扶胥沒氛霧英雄一怒天可回肯使赤子隨
鮫鮓指揮五丁發神弩鬼物辟易腥風開三百年來
人事改濤落沙平箭空在石梁飲羽未足誇蜀國三
犀漫欺給近聞黃河水亂流青徐一半悲魚頭安得
壯士斡地軸爲拯斯民塗炭憂

古歌

舊花欲落新花好新人少年舊人老佳人見此心相

憐舉觴勸我學神仙我聞神仙亦有死但我與子不
見耳祇言老彭壽最多八百歲後還如何

雙燕雙飛入我堂銜泥養雛何太忙養得雛成却飛
去雙燕雙飛復如故東園桃李春萋萋日華烘露生
紫霓一朝實熟付人採葉枯枝折空成踐

道士周玄初鶴林行

鶴林道士軒轅徒以颺爲輪雷爲輿開山養鶴作騏
驎上下二儀周六虛雛成洗髓扶桑窟縞練羽毛鏐
鐵骨聲飄碧落玉清揚影拂太微雲滅沒永夜月明
風滿林竹栢憂擊笙簫音云是旌陽許縣令躡躑佩

言言集 卷三
劍來相尋靡薜西枝搖倒景借去林間兩丹頂伐蛟
北海奠玄冥斬蜃南訛封浪井上窮列缺旁九圍却
過度朔山中歸歸來贈我桃樹枝朱衣赤郭手所持
令我鞭龍扶虺虎攝縛臊魃如奴虜授我堯時松子
訣轉睛出電噓成雨鍾山秀色連冶城百花繞屋風
泠泠焚香獨坐誦真誥墜露點滴流華星土伯駿奔
從號令鶴鳴聞天空谷應寥陽寶殿歌步虛河漢當
窗回斗柄嗟子衰朽襟病攻盈顛素髮吹秋蓬空餘
硬骨如瘦鶴因子致意浮丘公

送李叔允脩撰致仕歸鈞州

憶昔西京祖二疎都門供帳羅長衢金張許史集軒
蓋彈琴鼓瑟吹笙竽頽顏鶴髮映霄漢蒼松翠栢紅
珊瑚道傍觀者皆慨歎此士足爲天下摸先生宵蟠
五車書雍容進退安且徐披香朝侍紫宸案珥筆畫
入承明廬引經論奏動天聽天語親授非臚句老年
謝事歸里閭召見特許兒童扶臨軒賜膳侑金幣尚
食供奉黃門趨夜來微雨清郊墟緗黃漚柳鶯相呼
風吹暖烟逗白日露濕芳草留驪駒雖無旨酒嘉穀
蔬短歌一曲聊踟躕浮雲流水無根蒂人生何者爲
驩虞嵩高少室衆美奧素石如玉泉如酥時清四野

樂耕稼，雉鳴麥秀，千華敷。親朋會合，各慰意，况有令
 子，知勞勩，揮金買酒，沐聖澤，怡情之外，吾何須。西飛
 鴻雁，東飛魚，相思迢迢，天一隅，贈言有盡，意不盡，努
 力善保，千金軀。

松葉酒歌寄梁安宅

道人贈我松葉酒，味似瓊漿，色瓊玖，燕之骨，爽神魂，
 清令我壽同金石，久我生踈懶，無所能，瘦皮黏骨危，
 峻嶒病來啖藥，猶啖水，夢寐恍惚，風中燈，常聞徂徠
 有嘉木，玄醴滌濯，黃露沐，上有兔絲，揚翠旂，下有茯苓，
 苓蹲白鹿，咀華嚼葉，燕以津，歲久定化腸，為筋便從，
 握佳覲黃帝，身騎肉角，青騏驎，我欲求之，百憂集，滿
 眼蚊蠅隨出入，跋鳥箭逝，織阿急，日暮空瞻鄧林泣，
 道人此酒還有方，我欲與子同，徜徉世上，神仙亦何
 限，留侯辟穀，應未晚。

金碧山水圖

武陵桃源今有無，展畫渾如夢中見，青螺作山，綃作
 雲，白日蒼茫曖，芳甸雄梁跨，壑矯脩虹，走瀑懸，崖激
 飛雷，紫鳳宵鳴，梧樹枝青，雛曉啄桃，行鳥啼長，是
 艷陽時，草色寧隨霜雪變，衣冠尚存周，典則租稅不
 輸秦，郡縣山中，肉芝美堪食，澗底石泉清，可嚙安得

此地結茅屋寄書漫託雙飛燕

題群龍圖

世間萬類皆可觀茫昧獨有鬼與龍此圖畫龍二十四狀貌詭譎各不同得非物產有異種或曰神變無常蹤一龍捷尾欲上木足爪猶在齋沔中一龍出穴飲澗底頭上飛瀑瀉白虹前有一龍已在雲顧視厥子揚雙瞳浪波魚鱗杳漉漉日車塊北天無風中庭兩龍忽相逢須眉葩髻如老翁便欲角觝爭雌雄西望積石接崆峒白龍擘石窺流淥河伯遠遁虛其宮屈蟠睡者何龍鍾老物用尤時當終峽外六龍寧以

列朝詩集本作水

隆慶本坑作北今從列朝集及乾隆本

隆慶本起作缺清本同今從列朝集

列朝集亦蒙作神似是

列朝集穴作死

兇矜牙舞爪起戰攻齧鱗嚼甲含釵鋒陷胸折尾波血紅之死弗悟人誰恫一龍引肱將欲從迴環睢盱未敢通最後一龍藏於堦睥睨勝敗非愚蒙無乃有意收全功雲中弄珠筵爾躬不如臥沙之從容龍子學飛力未充母在下視心憧憧何物一角額準隆鯨然出洞若蛇蟲有龍接之自巖嵒恐是鞏穴王鮪公皮骨始蛻形猶蒙兩龍歸來倦不狎痴龍攀石身已癢蚴蚪偃蹇欲騰衝蛩螿攫躍鬚髮茸呿呀奔拏曲如弓百態並作何紛麗是耶非耶孰能窮畫師昔有僧繇工能令真龍下虛空安得伶倫截竹筒吹之呼

成意拍詩抄

龍出石硤使我一見開昏瞢

為丘彥良題牧谿和尚千雁圖

往時惠崇畫蘆雁對之如在江湖游只今此圖又精
 妙中有千里瀟湘秋乃知浮屠性多巧意匠不與凡
 夫儔吳松江長具區闕天目虎丘青一髮西風九月
 秔稻黃朔雁飛來翼相戛農夫苦飢雁獨飽此意畫
 師應識察近者分明辨羽毛遠者縹緲瞻秋毫或乘
 飄風入烟霄或翳落日沉隍濠起如武侯布八陣集
 如萬舞回旌旄眠沙臥草鳴且聳喋呷藻荇亂蓬蒿
 木空穗盡却歸去紫塞漠漠春雲高我家南山隈蒼

圖字下列朝集
有歌字

嶺雁飛不到川路永深林大谷蛇豕盛愁向他鄉撫
 虛景人言鴻雁比弟兄我有兄弟隔兩城題詩卷畫
 謝客去無使感愴傷中情

玉澗和尚西湖圖

大江之南風景殊杭州西湖天下無浮光吐景十里
 外疊嶂湧出青芙蓉百年王氣散荆棘惟有歌舞留
 歡娛重樓峻閣競鉛黛媚柳嬌花使人愛老僧不善
 兒女情故作獠豪見真態想其泚筆欲畫時高視畫
 工如小兒千巖萬壑吾意匠夸娥巨靈吾指麾却憶
 往年秋雨夕畫舫衝烟度空碧蒼茫不辨雲與山但

言二不言金 卷三 三三 帶香耳 覺微風響，蘆荻須臾冷。月迸深霧時，見松杉半昏黑。開尊命客彈焦桐，扣舷大咲驚海童。鮫人唱歌魚鼈應，水底影動雙高峰。只今倏忽成老翁，可憐此樂難再逢。愁來看畫欲自適，誰知感生愁轉劇。

題富好禮所畜村樂圖

我昔住在南山頭，連山下帶清溪幽。山巔出泉空種稻，繞屋盡是良田疇。家家種田耻商賈，有足懶踏縣與州。西風八月淋潦盡，稻穗櫛比無蝗蝻。黃雞長大白鴨重，瓦甕琥珀香。新篘芋魁如拳栗，殼赤獻罷地主還相酬。東鄰西舍迭賓主，老幼合坐意綢繆。山花

謹諸本皆作話
今從明詩綜

助明詩綜作坐

野葉插巾帽，竹筋漆椀兼。甌酒酣大咲，雜語謔跪拜。交錯禮數稠，或起頓足舞。侏儒或坐，拍手歌甌篋。傾盆倒盃，混醯醬爛熳沾漬。方未休，兒童跳躍助誼譟。執遁逐走同，孺囚出門不記舍。前路顛倒扶掖，迷去留。朝陽照屋且熟睡，官府亦簡少所求。寧知宴安含醜毒，耒耜一變成戈矛。高門大宅化灰燼，蓬蒿瓦礫塞道周。春燕營巢在林木，深山露宿隨猿猴。三年避亂客異縣，側身天地如浮漚。親朋阻隔童僕散，疏食水飲不自謀。有時愴怳夢閭里，驚覺五內攢百憂。君家畫圖稱絕妙，鑒別曾遇柯丹丘。想應臨榻出秘

詩意不金 卷三 二十四 帶香草 附

弗明詩綜作勿

賣列朝集明詩 綜皆作買

府筆意精到世罕儔村歌社舞自真率何用廣樂張
公侯太平氣象忽在眼令我感愴涕淚流近者鄉人
來報喜今歲高下俱有秋豺狼食飽臥窟穴軍師已
運招安籌人情自古共懷土况乃霜雨淒松楸神龜
且被豫且困予所弗念天我尤積薪厝火非遠計誰
能獻納陳嘉猷長江波浪接淮泗白日慘澹騰蛟虬
天下農夫總供給隴畝不得安鋤耰市中食物貴百
倍一豕之價過於牛魚鹽菜菓悉賣米官幣束閣若
贅瘤朝餐僅了愁夕膳誰復有酒澆其喉循環天運
往必復邪氣整至不遠瘳此生此景須再覩引領悵

望心悠悠

題湘湖圖

君山洞庭隔江水彭蠡無風波浪起明窗曉晴圖畫
開興入湘湖三百里湘江兩岸山縱橫湘湖碧繞越
王城越王城荒陵谷在古樹落日長烟平游子天寒
孤棹遠七十二谿飛雪滿浩歌不見濯纓人沙鶴野
猿相對晚湖東雲氣通蓬萊我欲從之歸去來蛟鼉
塞川陸有虎兩臂無翼令心哀

為啓初門和尚題山水圖

天下名山隨處有畫圖流傳亦良久祇園道人展橫

成書相詩少 卷三

幅觀者稱誇同一口蒼梧九疑高挿天卷而懷之不
 盈手巨靈驚呼盤古怒地軸塊北昆侖剖太陽出海
 開杳冥蟠冢岷峨大如斗華軒無人清晝閑恍然置
 我匡廬間金輪迥出牛女上遠近羅列千雲鬟江花
 野竹青錦斑嵌巖斷石蛟鼉顏岡盤谷轉絕徑路但
 見湖水迴瓊環白沙洲暖春風起南船掛帆北船艤
 吳波不盡芳草外楚岫半入長烟裡夜深小龍行雨
 歸宮亭月落彭郎磯旌陽步虛盧老和襟佩散作虹
 蜺飛百年塵世真夢寐回首旌旗塞天地舊游何處
 成渺茫一曲狂歌數行淚青丘弱水迷方壺武陵桃

源今有無瑶臺三嶋消息斷安得羽翼歸清都

題趙學士松圖

趙公拈筆作古松平地躍出三青龍蜿蜒不上霄漢
 去爽颯長留烟雨濃前朝美人鬪草處猶有當時數
 株樹江亭六月涼如秋應與此圖相對愁

雪鶴篇贈詹同文

有鶴有鶴丁令威碧玉為骨玄霜衣層城十二身所
 依千年伐毛一度歸洗髓織女黃姑磯瑶臺雪花大
 十圍食之神爽肉不肥乘風振羽芳菲菲丹砂結項
 燁有輝咳唾璀璨錯生珠璣朝遊明星夕大驪騰光躡

隆慶本躍作曜
 今從列朝詩及
 清本

清本千作干非

伐恐代之誤

古本輝下欽脫
以乾隆本補之

景超巍巍滕六駮乘虹蜺駢蓋宮仙娥頊帝妃鎔雲
鍊雨成瓊歲眩晁奪扶桑輝離脾閃爍不可睇回
焱挺挺翼縞旂白虎殼棘艮厥腓鸞鶴鳥鴻鶉鵠翼
鷺鷥鸚鵡鷹與鶴局促縮胸潛崿崎惟有皓鶴從之
飛竦翻夜過東皇畿玲瓏琪樹戛金徽若然長鳴驚
海圻海波噴作煙霧霏馬銜罔象蹲若鞮鯤鯨夭矯
相嚙唏銀河腹堅膠振豨王母桃花凍不緋五色石
裂女媧譴祝融上訴開九扉帝命養之青鎖闈賜以
沈瀼憐其饑朝朝暮暮朝太微翅翎披拂天香馥北
斗粲爛星依稀翠椒抱日露未晞圓肱脩趾逸且傾

蹠蹠踏舞霍以揮散仙引領空相希嗟哉清峻天下
稀勿歎遼東城郭非桂華窅窪甘露澄味美遠勝商
山薇擷英為羞堪咀噉比之琅玕亦庶幾盤空硬語
去脂韋歌以贈君君莫譏

贈杜安道

憶昔天兵伐荆楚舳艫蔽江齊萬櫓謹聲激烈似雷
霆猛氣息然震貌虎拔柵皖城猶俯拾探穴九江無
險阻明年大戰康郎下日月坱圠相吞吐馮夷蹋浪
群水飛巨鼉掉首三山舞雲隨太乙擁鋒旗鼉為豐
隆作靈鼓將軍金甲箭攢蝟戰士鐵衣汗流雨火龍

嬉燄絳天衢，燧象逐煙煎。地府鯨鯢既，翦撓捨落草。
木熙陽魚出谷，當時從臣皆俊良。近侍共推徐與杜，
或操陳子之刀鐻。或負伊公之鼎俎，艱難出入矢石。
下鞠躬盡力，無摧阻。夙興夜寐事一人，小心不貳帝。
臨女只今四海同車軌，葑菲罔遺。遵往古瓊琚赤芾，
遙鵠行鞍馬祿食光門戶。天雞一聲金闕啓，龍顏有
喜常先覩。顧我愚踈憂患集，病骨峻嶒蒸溽暑興來。
懷舊倚長歌，星星兩鬢絲千縷。

五言律

早天多雨意呈石末公

早天多雨意散漫，起重陰漸變峰巒。狀還摘錦繡，文
龍應愁病喝鳥亦念將焚碧落高無極。人間叫不聞，
早天多雨意雲起旋隨風。澤氣沉沙白山嵐過野紅，
乾坤愁夢裡日月戰塵中。漫說生生理如何，亦有窮

次韻和石末公早天多雨意

早天多雨意雲合，又還晴苦熱連。三伏微涼入五更，
青山黃葉遍。白水紫烟生，旦夕霞標起。依稀對赤城，
早天多雨意霞起。衆山光日月躔，陽道雷霆伏。大荒
躍淵無黑蜮，在牧有夷羊。萬室俱如燬，何人尚閔旻。
早天多雨意一望百憂侵，海沸羲和日山藏。傳說霖

南河那可決，北斗不能斟。歎息還搔首，清商已滿林。
旱天多雨意，悽惻望鈎陳。哀籲何時達，愁眉盡日顰。
乾坤三嶋浪，歲月兩淮塵。莫問和調事，嗚呼吠畝人。

憂懷

傷離驚歲晏，引望起愁端。落日烟中小，孤雲雪外寒。
浮生無限恨，垂老異鄉看。掩淚觀梅蕊，中心分外酸。

感歎

聞說蘇州破，倉皇問故人。死生俱可悼，吾道一何屯。
北去應無路，南藩自此貧。淒涼轉蓬客，淚盡浙江濱。

早六題鑑湖送別圖

曲岸扁舟艤，澄湖祖帳開。雲生秦帝碣，雨映越王臺。
荷氣清瑤席，波光灑玉盃。情深不忍別，欲去更徘徊。

次韻和王文明雨中禱興

積雨累十日，平湖添半篙。風連箕畢動，雲倚斗牛高。
水鶴巢林木，池魚上野蒿。農人愁餓莩，採擷到溪毛。
白日迷陰陸，濃雲沒大荒。雨深筠簟潤，風度葛衣涼。
虎豹歸林濕，魚龍赴壑長。波濤渺清落，悽惻解鳴璫。
濕雲看欲薄，陰氣未全收。日月昏昏見，龜鼉額額浮。
虛簷騰昉蠶，壞壁湧蜉蝣。幽獨無人問，含情謾上樓。

題太公釣渭圖

璇室群酣夜，璜溪獨釣時。浮雲看富貴，流水澹鬚眉。
偶應非熊兆，尊爲帝者師。軒裳如固有，千載起人思。

誓句嶺

白日隱巖壑，千崖氣勢豪。溪流婺女闊，山入少微高。
危石天欹側，長風谷怒號。干戈方自此，行役敢辭勞。

淳安舟中遇雨遣悶二首

一夜青山雨，平明黃濁喧。亂流翻地軸，高響落雲根。
鍛羽投林鳥，啼飢抱樹猿。羈懷正愁絕，感物重銷魂。
溪雨細如霧，北風長夏寒。汙池不赴壑，井谷自成湍。
蘭茝馨香盡，魚龍世界寬。斜陽在林樹，時復捲蓬看。

丙戌歲將赴京師途中送徐明德歸鎮江

疲馬懷空櫪，征衣怯路塵。那堪遠遊子，復送欲歸人。
月滿西津夜，花明北固春。論文應有日，話別莫悲辛。
過南望時守閘不得行

發景州

澹澹夕風作，蕭蕭蘆葉鳴。林間衆鳥息，河上一舟行。
海近雲常濕，天虛月更清。神京看漸近，且緩望鄉情。

殺氣

殺氣乾坤黑，陰氛日月黃。已成心曲亂，不復髮毛蒼。
夜哭城笳裏，朝烟野戍傍。傷扶傾無郭，李何地尚耕桑。
遣興

白日下西岑，空庭生夕陰。郊原過雨色，鐘梵隔牆音。
有感憂思積，無能老病深。露從河漢落，不覺滿衣襟。
月是今宵滿，花從昨夜開。看花嗟寂寞，對月且徘徊。
白髮添無數，青春去不回。莫思人隔世，聊樂酒盈盃。
四月十二日發揚州

幾見明月滿，猶嗟行路難。時平耻無用，身賤敢偷安。
天地山河闊，風沙道路寒。旅人元有淚，不必雍門彈。

濟州太白樓

小逕迂行客，危樓舍酒星。河分洸水碧，天倚嶧山青。
昭代空文藻，斯人竟斷萍。登臨無賀老，誰與共忘形。
送僧家奴參政赴河東宣慰使

雲中形勝地，關塞接天長。白草連沙漠，黃河入晉陽。
老臣持節鉞，大闢壯金湯。昭代思賢佐，須公在廟堂。
送人赴德清稅

鏡湖木葉落，震澤水波生。鳧雁衝人起，笙歌送客行。
鹽津魚罟集，桑屋繭絲明。王稅隨時足，吟哦待太平。

題釣雪圖

雪暗洲渚白，江清蒲柳寒。悠揚雙短棹，汗漫一魚竿。
忽憶滄浪曲，因悲行路難。蛟鼉正驕恣，還爲爾長歎。

將曉

愁夢不更續，寒天將欲明。雪風吹海樹，霜月凜江城。
衰病丹心在，艱虞素髮盈。殷勤東注水，渺渺若爲情。

不寐

不寐月當戶，起行風滿天。山河青靄裡，刁斗白雲邊。
避世慙商綺，匡時愧魯連。徘徊懷往事，惻愴感衰年。

秋感

老病偏多感，宵長晝亦長。衣冠方謝暑，枕席已驚涼。

往事鐫心在，新知過眼忘。籬邊舊栽菊，歲晚爲誰黃。

秋興

天淨山月出水寒，沙鳥鳴孤燈。秋後思短笛，夜深情
江海空。衰髮乾坤未弭兵，清都隔河漢。訶禁有開明。

望孤山作

曉日千山赤，寒烟一嶋青。羈心霜下草，生態水中萍。
黃屋迷襄野，蒼梧隔洞庭。空將垂老淚，灑恨到滄溟。

青絲馬

蹀躞青絲馬，艱難赤伏符。窮陰歲欲暮，落日鬼相呼。
見雁愁心裂，看天淚眼枯。殷勤夜深月，還照旅魂孤。

古戍

古戍連山火新城殷地笳九州猶虎豹四海未桑麻
天迥雲垂草江空雪覆沙野梅燒不盡時見兩三花

客路

客路秋風裡扁舟夕照時渚鴻魚復陣江樹井陘旗
衰朽嗟誰與愚蒙荷帝慈山中牧羊子歲莫爾相期

逢熊文彥

相離已隔世相會豈忘情識面非觀貌知心只記名
夕陽荒野闊秋水大江平往事無勞問空令萬感生
憶昔相逢處湖山錦繡春莞絃喧夾巷花柳隘通津

離別人非故推移物自新愁來重回首涕淚下霑巾

五言長律

錢唐懷古得吳字

澤國繁華地前朝舊此都青山彌百粵白水入三吳
艮嶽銷王氣坤靈肇帝圖兩宮千里恨九子一身孤
設險馮天塹偷安負海隅雲霞行殿起荆棘寢園蕪
幣帛敦和議弓刀抑武夫但聞當宁奏不見立庭呼
鬼蜮昭華袞忠良賜屬鏤何勞問社稷且自作歡娛
枕稻來吳會魚鼈出具區至尊巍北闕多士樂西湖
鷁首馳文舫龍鱗舞繡襦暖波搖襞積涼月浸氍毹

紫桂秋風老，紅蓮曉露濡。巨螯擎擁劍，香飯漉雕胡。
蝸角乾坤大，鼇頭氣勢殊。秦庭迷指鹿，周室嘆瞻烏。
玉馬違京輦，銅駝擲路衢。含容天地廣，養育羽毛俱。
橘柚馳包貢，塗泥賦上腴。斷犀埋越棘，照乘走隋珠。
吊古江山在，懷今歲月逾。鯨鯢空渤海，歌詠已唐虞。
鳴革愁何極，羊裘釣不迂。征鴻暮南去，回首憶尊鱸。

誠意伯詩抄卷之三

野呂公麟校字

